



Broj 02-36-00201/24

Datum, 05.02.2024. godine godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ( Službene novine Federacije BiH», broj: 12/03, 34/03 i 65/13) i Odluke o utvrđivanju kriterija za izbor i imenovanje članova upravnih odbora javnih preduzeća i ustanova čiji je osnivač Općina Donji Vakuf («Službeni glasnik općine Donji Vakuf», broj: 2/09 i 2/12), a na osnovu člana 38. Statuta Općine Donji Vakuf („Službeni glasnik Općine Donji Vakuf, broj: 1/08, 2/12 i 3/16), načelnik općine Donji Vakuf objavljuje

## JAVNI OGLAS

za izbor i imenovanje upravnog odbora  
JU Centar za kulturu, informisanje i sport Donji Vakuf

Objavljuje se javni oglas za izbor i imenovanje predsjednika i članova upravnog odbora JU Centar za kulturu, informisanje i sport Donji Vakuf.

Upravni odbor JU Centar za kulturu, informisanje i sport Donji Vakuf čine tri člana

- predstavnik osnivača - dva člana
- predstavnik stručnih radnika Ustanove – jedan član

### II Opis pozicije

Upravni odbor je organ upravljanja ustanovom i obavlja sljedeće poslove: donosi pravila ustanove i pravilnik o radu; imenuje i razrješava direktora; utvrđuje planove rada i razvoja i godišnje planove; donosi finansijski plan i usvaja godišnji izvještaj; donosi opšte akte u skladu sa zakonom i pravilima ustanove; odlučuje o svim pitanjima obavljanja djelatnosti radi kojih je ustanova osnovana; usmjerava, kontroliše i ocjenjuje rad direktora; rješava sva pitanja sa osnivačem; odgovara osnivaču za rezultate rada ustanove; odlučuje o prigovoru radnika na rješenje kojim je drugi organ određen pravilima ustanove odlučio o pravu, obavezi i odgovornosti radnika iz radnog odnosa; podnosi osnivaču izvještaj o svom poslovanju; redovno i kontinuirano obavještava osnivača o ostvarivanju djelatnosti i mjerama koje je potrebno poduzeti u cilju njenog unapređenja; vrši i druge poslove u skladu sa zakonom i pravilima ustanove.

### III Uslovi za imenovanje

Kandidati moraju ispunjavati sljedeće opće i posebne uslove kako slijedi:

#### A – OPĆI USLOVI

1. da je državljanin Bosne i Hercegovine,
2. da nisu mlađi od 18, niti stariji od 65 godina života,
3. da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH,
6. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa («Službeni glasnik BiH», broj 16/02),
7. da nema privatni finansijski interes u instituciji u kojoj se kandiduje,

8. da nije osuđivan za krivično djelo i za privredni prestup nespojive s dužnošću u instituciji u koju se kandiduje pet godina od dana pravosnažnosti presude isključujući vrijeme zatvorske kazne,
9. da nije lice kojem je pravosnažnom presudom suda zabranjeno obavljanje aktivnosti u nadležnoj instituciji u kojoj se kandiduje.

#### B – POSEBNI USLOVI

- 1 VSS ili VŠS sa jednom godinom radnog iskustva, a SSS izuzetno samo iz reda zaposlenih ukoliko ne bude kandidata sa visokom ili višom stručnom spremom,
2. da nije član više od jednog upravnog ili nadzornog odbora,
3. sposobnost za savjesno, odgovorno i odlučno obavljanje upražnjene pozicije,
4. sposobnost nepristrasnog donošenja odluka,
5. komunikacijske i organizatorske sposobnosti,
6. uživanje ugleda u lokalnoj zajednici,
7. rezultati rada ostvareni tokom poslovne karijere, preporuke ranijih neposrednih rukovodilaca.

#### IV Potrebna dokumenta,

Pismene prijave sa kraćom biografijom kandidata treba da sadrže adresu stana, kontakt telefon, te dokaze koji se prilažu uz prijavu na javni oglas, u originalu ili ovjerenoj kopiji, i to:

- uvjerenje o državljanstvu,
- izvod iz matične knjige rođenih,
- uvjerenje o nevođenju krivičnog postupka i postupka za privredni prestup,
- dokaz o stručnoj spremi,
- dokaz o radnom iskustvu,
- ovjerene izjave iz tačke A za redne brojeve 3. do 7 . i tačke B za redni broj 2.

Dokaz da se protiv istog ne vodi krivični postupak odnosno da nije osuđivan za krivično djelo ili privredni prestup koja su nespojiva sa dužnošću u upravnom odboru javne ustanove, regulirani organ će zatražiti od kandidata koji budu predloženi za konačno imenovanje i isti ne smiju biti stariji od datuma objavljivanja javnog oglasa.

#### V Mandat

Predsjednik i članovi upravnog odbora Javne ustanove imenuju se na period od 4 (četiri) godine i mogu biti ponovo izabrani.

#### VI Ostale napomene

Konačno imenovanje vrši načelnik Općine Donji Vakuf.

Rok za podnošenje prijava je 15 dana , a računa se od datuma zadnje objave oglasa u «Službenim novinama Federacije BiH», odnosno dnevnom novinskom listu.

Prijave s dokumentacijom mogu se dostaviti u zatvorenoj koverti na pisarnicu općine ili preporučeno poštom na adresu :

Općina Donji Vakuf ul. 14.septembar bb.

Uz naznaku «Prijava na javni oglas - ne otvarati».

Neblagovremene i nepotpune prijave neće se uzimati u razmatranje.

Podnosioci prijava sa kojima se ne stupi u kontakt u roku od 10 dana od isteka roka za podnošenje prijava, neće biti uzeti u razmatranje u daljem postupku.

Zainteresirana stranka ima pravo podnijeti prigovor na konačno imenovanje, ako smatra da se u procesu imenovanja nisu ispoštovali zakonom utvrđeni principi.

